

四庫全書

集部

欽定四庫全書

集部
清獻集卷
五四

詳校官庶吉士_臣李如筠

檢討_臣何思鈞覆勘

總校官編修_臣王燕緒

校對官祭酒_臣鄒奕孝

謄錄監生_臣唐士彥

欽定四庫全書

清獻集卷四

宋 趙抃 撰

七言律詩一百五十九首

述懷

三十年前一布衣
爛柯山下驟鳴飛
夢刀蜀國青天上
衣錦杭州白晝歸
曾預機衡蒙帝眷
自同葵藿向晨暉
東齋事少愚知幸
終日平嵐面翠微

平嵐亭名

夏末喜雨

靈湫祈禱酌樽罍稽首精神敢惰哉
民意欲從千里雨
天威為動一聲雷
預期多稼如雲去
且免飛蝗入境來
酷暑驟祛還自喜
清風朝夕上樓臺

次韻孔宗翰水磨園亭

南洋一派通機磨
更引餘波遶曲池
高柳碧陰無酷暑
小蓮紅老惜芳時
臨流共賞休辭醉
按轡重來未可期
從此邦人為勝事
范公亭榭孔君詩

次韻王居卿提刑遊雲門山

千里崢嶸到忽平兀然如覺夢魂醒石通幽室心生白
逕擁寒雲步入青一水下窺疑絕線兩山前列似開屏
重城歸去仍堪喜歲稔人家戶不扃

次韻王憲中秋不見月

一城歌管中秋樂薄暮樓臺六幕垂明月幸無虧損處
浮雲應有斂收時聊因表海今宵醉却起錢塘去歲思
有美堂前如白晝練鋪江面鏡鬚眉

寄餘慶講僧思辯

年光已占六十四七十歸來尚六年顧我久慚迷利祿
與師同約老林泉政為豈弟聊康俗心放逍遙自到仙
身寄東州夢南去山堂依約艮菴前

次韻孔憲重九出巡未回

東望迢迢百尺臺清風徒念故人來幸空訟鋤澄心坐
喜得詩筒盥手開不覺登高佳節到未期行旆幾時回
堯山雖與民同樂阻共車公把酒杯

酬孔憲將還

待月登高悉後時，還轅今喜近郊岐。再圓光彩蟾升漢，

未謝馨香菊滿籬。乘暇尋山應有得，

聞欲謁九仙山

許陪觀海

不知誰

所處登萊州皆枕海上

感君按轡澄清外，遺我瓊瑤兩首

詩

送十二弟太博揚倅潭州

我憶初筵湖外日，于今三十八年間。無緣再得遊潭府，

有夢還應到嶽山。屈指春秋驚老大，滿頭霜雪欲歸閒。

之官莫憚長沙遠行業於人不愧顏

次韻孔憲蓬萊閣

山巔危構傍蓬萊水閣風長此快哉天地涵容百川入
晨昏浮動兩潮來遙思坐上遊觀遠愈覺胸中度量開
憶我去年曾望海杭州東向亦樓臺

杭有望
海樓

次韻王憲表海亭賞雪

開樽表海最高亭正是紛紛雪態輕比屋萬層瓊室徧
夷塗千里玉沙平因風起絮先春意與月交光後夜清

共喜豐登有佳兆結成和氣在民情

再登亭偶作

氣象三齊古得名時登表海最高亭河源一水下青嶂
人物兩城如畫屏邑報有秋期俗阜守慚無術濟民靈
從來獄市并容地且向樽前任醉醒

寄酬舊交吳中復龍圖

我昔夢刀慙樂土君今叱馭信賢哉芝蘭舊友三年別
金玉新詩萬里來石室清風期俗變錦城珍宴為民開

中和有頌朝廷喜行看春光擁詔回

酬越守孔延之度支

君詩感別我依依言念朋懷與願違京口落帆初醉後

江心登寺復分飛

去年春三月公之會稽予自杭徙青錢別于潤州之金山

回思二

浙風烟好來喜三齊獄訟稀舊里未歸徒仰羨小蓬萊

上占春輝

青社有懷杭州

早暮濤聲遶郡衙湖山樓閣襯烟霞渾疑出處神仙地

不似尋常刺史家，假守半年無惠愛。
退公連日不諠譁，東州久發南歸夢。
却念重來未有涯。

再有蜀命別王居卿

穆陵關望劍門關，岱嶽山連蜀道山。
自顧松筠根節老，誰憐霜雪鬢毛斑。
離家詎謂虞私計，過闕尤欣覲帝顏。
叱馭重行君莫訝，古人辭易不辭難。

入蜀先寄青城張遨先生

踰年青社得徘徊，一日皇華下詔催。
蜀道五千馳驛去，

秦關百二拂雲開不同參政初時入

呂公餘慶也

似尚書兩

度來

張公平崖

到日先生應笑我白頭猶自走塵埃

寄題劉詔寺丞檻泉亭

泉名從古冠齊丘獨占溪心湧不休深似蜀都分海眼
勢如吳分起潮頭連宵鼓浪搖明月當暑迎風作素秋
亭上主人留我語只將塵事指浮漚

過鐵山鋪寄交代吳龍圖

暫留山驛又晨興西望旌麾想舊朋三院華簪曾對直

兩川兵印復交承年光頭鬢華如雪世態心情冷似冰
境上憑詩馳遠意青泥寒曉入雲登

過左縣偶成

東南再守二年間

自杭徙青

徙蜀何須問險艱入覲已違龍

尾道出麾還過鹿頭關與民共約三春樂顧我都忘兩
鬢斑歲滿乞骸何處好仙槩一局爛柯山

次韻吳龍圖別後言懷

言念朋遊二紀間離樽前對鬢絲斑告新劍外皆遺愛

道舊臺中共解顏我固無辭來蜀國公聞有命鎮秦關
西東接畛三千里莫厭詩筒數往還

至成都作二首

四十年間利祿身平生踈拙任天真慙無治迹留青社
喜奉恩華覲紫宸去國早逢關右雪下車還入劍南春
為憐錦里風光好不倦從來作主人

西指梁岷路屈盤猶能矍鑠據征鞍大庭臨遣皇恩重
遠俗傳聞睿詔寬峯聳雲粧銀世界江深春動錦波瀾

遨頭老矣民知否莫作風流太守看

次韻提刑張廣民度支射中金錢

百發秋毫不少偏宜應佳兆中青錢鳴弦迅發心先正
破的勞觀眼欲穿賞勸坐添杯上桂詠歌賓許幙中蓮
古人一箭功名立豈止文章獨炳然

題江原張著作善頌堂

構堂賓族聚於斯屈指高風劍外稀七十年尊君樂隱
二千石重子榮歸溪流石上來清響岩洞簷前聳翠微

舊令尹今西處望

予嘗宰其邑

江原閭巷正光輝

送運判韓宗道赴闕

去歲間關到蜀時
聞君早作促裝期
初疑傾蓋無多日
今幸分攜已及晷
曉棧直登雲裏路
鵬梅還見雪中枝
紫宸入覲從容對
劍外民靈荷帝慈

送別張憲唐民

三年持節按刑章
豈弟其誰不歎降
才者設施功第一
使乎光彩竟無雙
宣風蜀右成新法
易拜秦東得舊邦

欲識遠人留戀意，隴泉幽咽下巴江。

次韻運使榮諲學士遊淨衆尋梅

飛蓋城西探早梅，僧園欄榭燕游陪。
微寒始報冬初信，清艷應留臘後開。
子美英詞誇雪色，趙昌精筆寫香腮。
此花自有天容意，迎得春陽次第來。

送茂守吳彥先郎中赴闕

汶山為郡數逢春，被詔還都歲又新。
惠政久通蠻徼外，愴懷初去蜀江濱。
邛崃古未兼忠孝，宣室今非訪鬼神。

制禦羌夷知有術上前草牘為開陳

次韻黎守毛抗屯田見寄

岷峨還是一川雄我愧行春與俗同樂國此年豐衍後
嘉朋終日笑談中沈黎太守初成政著詔諸蠻悉向風
聖世唐虞流澤遠啓行無復用元戎

送左縣孫珪職方赴闕

三年遺愛被西州供帳民情豈易留險道若天春氣近
雄關如劍曉光浮禁中曾上臺僚薦

近臣嘗奏君才堪御史

使者

仍書郡課優

成都漕司以君政課第一

去矣青雲岐路穩不須回首

越王樓

鈴兵李左藏廳賞梅

歲晏珍林發素葩樽前奇賞著詩誇驚逢臈去已三日

喜見春初第一花照水冷容酥點綴搖風香片雪紛拏

主賓莫作尋常看錦里名園只兩家

成都此花惟鈴兵東西二園最盛

次韻榮學士按簡州見寄

我昔坤維濫使權簡池行部屬豐年盤桓郡驛留單騎

徙倚江亭按七絃
今愧高賢傳麗藻
遠聞清思湧寒泉
置藏巾衍光華甚
不使珠璣只媚川

鈴兵王閣使素芳亭賞梅花

素萼清香並酒卮
主人勤意囑留詩
為逢蜀國新開日
却憶江南舊賞時
春密未通桃李信
鴈殘都放雪霜姿

先公舊植亭欄外
肯構重來見本枝

先司空鈴兵日始創是亭閣使復繼

其職是謂有子矣

答彭守鮑叔軻郎中

白雲東向日瞻凝連揆封章寫至誠八十親高思就養
二千石貴懇辭榮蘭陔得志趨吳分棠芾留陰在蜀城
腰印還鄉人子樂錦衣光動綵衣明

酬劍守王嘉錫郎中

登科三十四年春五百人中有幾人顧我虛名慚過分
得公佳句讀驚神初疑暗裏雙珠擲自喜懷間萬玉陳
預卜鈴齋論仕契入關聊為駐車輪

予代還密過劍期一見

次韻周源屯田禱雨二首

城東野老告予知四載凶荒語益悲遠水又成千里涸
濶天無復寸雲垂倉箱勢絕豐登望道路人為殍死期
刺史至誠天若應願留遺愛入生祠

炎曦禾稼猛於燒試問靈龜兆已焦雨意幾時隨氣協
雷威何日勝氛妖漢朝八使煩敦遣周室三公重變調
有禱願將明德薦芳馨何必在蘭椒

答江鉞都官見招

風波岐路益馳奔跡靜嗟誰得似君樂矣夜觴西嶺月

傲然秋釣北谿雲詩章有趣為千首利祿無心顧一分
雞黍辱招來慰意俗拘何計入蘭薰

次韻江原方任太博見寄

錦城之別重吁嗟人事繽紛走歲華遺我詩篇來有意
憶君魂夢去無涯秋驚蜀嶺更書近雲掩閬山故國賒
聞說政成風俗好又添和氣樂人家

次韻李元方即事

壯歲胸懷獨感時肯隨寒暑似民咨能思損益長開卷

任有閒忙不負詩趣向已為汙俗笑聲名須共古人期
茅齋寂坐生秋思無語西風夜月知

聞嶺外寇梗

驚說炎飈烟瘴時洞蠻蠶起寇南陲家書萬倍金難得
遠夢千迴路不知刺史沒身專捍禦

康州趙潛叔死敵

諫官銜

命救瘡痍

起居趙叔武出使

伏波死去今誰繼大筆銘勲壓海

涯

贈東川曹道人

養生非謂獨存神功行須令日日新高睨鵬搏風萬里
靜憐龜息壽千春物無凝滯心無積名已逍遙道已醇
命不在天須力信世間多少未知人

勸成都府學諸生

學初心勿動華紛須念文翁昔日勤事業直教名不朽
聲猷堪畏世無聞平居鄉黨終傳道得位朝廷必致君
為語諸生期遠到天衢亨處有青雲

題府庭海樓

海梭根幹出枿欄雙勢凌空劍外無長鎖荆榛嗟廟朽
不禁風雨笑庭梧胡僧過識已千歲蜀守來觀只兩株
離立戔戔同壯士側身東望拱皇都

次韻文同學士春雪

東皇欲報豐年信千里同雲六幕陰過景大吟詩將手
與民偕樂使君心錦城濶暖無多積岷嶺高寒旋覺深
最是西園花木好曉來粧點作瑤林

次韻高陽吳中復待制見寄

守蜀無堪詎足論
捫參天邈紫微垣
歲時豐衍真為幸
犴獄空虛冀不冤
素志未容龜曳尾
誤恩深愧鶴乘軒
嘉章益見公高誼
所得長逢左右原

次韻霍交中春游樂俗亭

自憐拙政無他狀
強繼前賢樂遠民
軒豁四簷芳草岸
夷猶千櫂綠波春
岷山霽色塵氛斂
錦里風光氣候新
暮角未吹人未散
醉歌歡舞共紛綸

次韻蘇家游學射山

錦川風俗喜時平上已家家出郡城射圃人稠誼畫鼓

龍湫波淨照紅旌迎真昔詫登天虎

世傳張伯子其日於此乘龍上昇遊

像存焉

命侶今聞出谷鶯勉為遠民同樂事使臺仍是得

賢明

送程給事守越州

千騎從君臨照水雙旌復我守錢塘當年已共攀蟾桂
今日休辭醉羽觴行聽龔黃歌治譽好追元白遞詩章
分符況與尋常異彼此東西是故鄉

公瑩於杭而子於越皆有祖塋存焉

次韻前人寓越廨宇有懷

越郡江南盡不如，樂天流語信非疎。
人從鎖闥中間出，宅在蓬萊向上居。
言念玉符分鎮日，却思瓊苑拜恩初。
臨風又辱詩筒寄，足見優游勿有餘。

再用韻

一別三秋一日如，望中紅葉已蕭疎。
曾聞眷注行優召，自顧衰遲未退居。
在昔游從今道舊，平生事契敢忘初。
古人最重交情久，堪笑當年漢耳餘。

和前人有懷二首

一日褰幃令必從自慚前牋屬哀翁聲回地底清霜角
訟息庭中冷銛筒舊契世同知管鮑新文人服似軻雄
公開數有瓊瑤贈又使鄉閭篤士風

遠如千里志還同目斷雲天未易窮勉強一麾吳國分

雍容五馬浙江東泉源自古流丹井越桂子還逢下月

宮杭盡占神仙真樂地軒裳何敢羨三公

次韻郡齋即事二首

鳳沼寵榮辭禁闥
龍山安穩駐車輪
東方漸喜威嚴霽
屬郡爭傳號令新
試數歲華如過隙
宜將世事拂前塵
因思四十年同榜
吳越如今只兩人

田原多稼纔豐日
橘柚逢霜正熟初
鑑水烟波乘興遠
蘭舟風月助吟餘
安知賀老惟修道
未必羲之祇嗜書
誰道蓬萊宮尚小
玉皇香案吏來居

次韻見寄

勇退猶慚大丈夫
兩州四任若冥符
未容上冢重官越

不謂班條再守吳雲屋萬家誠樂地
濤江一水隔名都
同年後日同歸去畫作東西二老圖

次韻郡齋偶成

兩火一刀名素勝十分雙澗地長靈賞心曾為乘華舫
好手應難作畫屏北海樓前千里靜南山天末四時青
蓬萊自是仙家景解使詩翁醉眼醒

武林即事寄前人二首

乞得錢塘下九天徙徙從青社復三川
坤維十往萬餘里

吳分重來七八年
鑑水坐遙懷舊治
柯峯歸晚愧前賢
東州賴有微之約
曾寄詩筒遞百篇

七十隨緣豈有由
樂天曾不厭杭州
青山未隱如千里
白首重來又九秋
月窟仙人遺桂子
海門神物助潮頭
自慚老守無心力
坐鎮吾民靜即休

題杭州普應院偃松

老松低偃四時榮
太守重來眼為青
密葉動搖翔鳳勢
深根盤屈臥龍形
每容狂客春攜酒
長庇閒僧晝看經

一百年來霜雪操肯隨羣木漫彫零

次韻程給事見懷

烟水平湖千頃碧樓臺佳木四時青人瞻杳杳升天宅
客意我我望海亭已是威懷寬帝念更加豐稔慰民靈
退公莫厭音題密去鯉來鴻不暫停

有懷前人

湖平去棹復鳴顰一別何時手重攜龍榜昔同科甲乙
虎符今得郡東西尋真曾憶觀丹井乘興徒思泛剡溪

聞說公堂多暇豫湖山無處不留題

登望越亭寄程給事

望越亭無一點塵迢迢東首座凝神雨餘岫色濃如黛
日出波光爛若銀我類武陵歸去客君為蓬島上頭人
誰知老守吾鄉便得與詩翁作善隣

有懷前人

稽嶺樓臺真曠絕武林風物競豪華兩川對望音題數
一水中分會晤差

言到越遲

東海渺茫排島嶼西陵依約露

人家元和賡唱今猶古此樂情懷豈有涯

次韻鵬月不見梅花

隔江氣候不齊時梅向杭開越上遲春遠未通蓬島信
鵬深先放武林枝嶺頭素艷從爭發笛裏孤音却後期
虛白堂前攀折看詠公詩句醉金卮

次韻樓頭聞角

龍蟄窮冬萬舌開蛩吟清曉在蓬萊五更枕上驚殘夢
一曲樓頭動小梅入牖涼颼聲咽絕滿庭斜日思徘徊

新年合我七十一柯嶺不如歸去來

次韻歲暮有感

歲月如流不用嗟盛衰前定豈曾差
自憐覽照頭渾雪猶喜觀書目未花
竺嶺兩曾逢落桂龍山三見擷新茶
春元便欲休官去誰顧杭州十萬家

次韻即事見懷

鑑水寬閒稱越國河塘繁劇是杭州
蓬山君繼元丞相竹馬予慚郭細侯
郡邑豐穰真可喜人家飽煖更何憂

西陵隔岸無多遠數上臨江百尺樓

歲暮偶成寄前人

宦途衰老敢辭勤只計斯民不計身
眷戀青山乖素約遲留白首未歸人
舉頭舊治無三舍屈指明朝又一春
珍重東州年契厚趁潮雙鯉得書頻

戊午元日偶成

驅馳光景急如輪復見元豐歲
始春七十一年欣入手三千奏牘
欲歸身江濤有信人隨老烟草無
涯色又新

自是乞骸時節好不應推托為思蓐

清風閣即事

庭有松蘿砌有苔退公聊此遠塵埃潮音隱隱海門至
泉勢潺潺石縫來夜榻衾裯仙夢覺曉窓燈火佛書開
休官不久輕舟去喜過嚴陵舊釣臺

杭州上元觀燈二首

元夕觀燈把酒杯賓朋不倦醉中陪一輪丹桂當天滿
千頃紅蓮匝地開烟火樓臺高復下笙歌巷陌去還來

因民共作連宵樂直待東方明始回

初逢稔歲改初元元夜從游駕兩轡寺曲水燈多巧怪
河塘歌吹競喧繁安排百戲無虛巷開闢重闕不鎖門
願以民心祝堯壽衆星高拱北辰尊

次韻程給事越州元夕觀燈

隔江燈火越王城別有新春喜復驚累夕思鄉還有感
三年懷旅豈忘情歌鐘浩浩臨香陌羅綺盈盈簇彩棚
秉燭夜遊公不倦也知斯樂為民行

次韻前人治西園池館因懷昔日太守蔣堂侍郎

二首

越有西園作者誰公今懷感詠歌之千餘騎擁頻來賞
四十年間尚去思稚莖行謠方載路主賓高會正乘時
也知此樂同民樂況有前賢臺沼詩

去年春色染波瀾畫舸朝遊暮可還今歲屢聞臨曲水
隔江惟是仰高山翻思賢守經營處盡屬詩翁笑語間
公勿留連當亟召德音行被對天顏

有懷前人

却憶東舟去若仙江亭分袂忽經年春風境上無多地
夜月湖中共一天海閣坐觀濤擁鷺山堂吟聽漏移蓮
新詩徃復交情見巨集成來已百篇

次韻前人見寄

阻奉交朋宴賞歡杏林春發聖師壇詩筒把玩初藏袖
鈴閣吟哦為整冠不啻夢昏驚玉磬正如沈痼得金丹
夜來月下聞韶濩並奏清音徹廣寒

寄酬前人

落筆詞華矜白雪，棹尋花卉認紅雲。
湖山對酌春將盡，風月高吟夜欲分。
思入神酬青玉案，夢遊仙擁羽衣裙。
近來章句聲名遠，僻似雞林也得聞。

寄酬前人上巳日鑑湖卽事三首

禊飲已經佳節後，畫船猶泛若耶濱。
未還魏闕陪仙使，且向稽山作主人。
賡唱我知長引玉，懇歸誰道苦思親。
古詩鑑湖也似西湖好，兩處風光一樣春。

湖上初經上巳春水邊遙見碧蕪新輕舟競泛無涯樂
夾岸希逢不醉人厨醞旋斟浮蟻釀府茶深點卧龍珍
詩筒往復余知幸垂老親仁得善隣

蓬萊高與臥龍俱位望兼隆似合符絃管夜聲傳井邑
樓臺春影蘸江湖休功即報朞年政直節曾行萬里胡
真是玉皇香案吏坐看歸去贊蘿圖

次韻前人蓬萊閣卽事

蓬萊窓外曉光分夢覺初驚杜宇魂但有吏供衙府喏

斷無人到訟庭喧濛濛宿靄開湖面隱隱更潮過海門
一水兩州皆重鎮越清杭劇不同論

聞致政趙少師槩入境寄獻

我公優暇若神仙八十高齡衆所賢政府昔同俄一紀
留封今別又三年及時和氣來吳國度曲薰風入舜絃
昨日清臺應密奏老人星照浙西天

上天竺寺石巖花

對植齊開古梵宮欲求精筆畫難工直將春占三旬盛

誰謂花無十日紅
未羨山桃資客笑
且陪庭栢作家風
遍尋他處都無此
寶殿前頭只兩叢

次韻程給事寄獻趙少師

暮春船艤浙西州
且喜樽前兩白頭
蓬閣屢傳賓榻解
濤江深阻故人遊
凝眸讌集踰天遠
屈指光陰若箭流
賴有詩筒并驛使
往還金玉共賡酬

次韻趙少師寄程給事二首

輕舟來蜀暮春時
便向錢塘詠式微
臨海阻陪三島會

隔江遙認五雲飛
殺雞炊黍初乘興
怨鶴驚猿却念歸
一水盈盈天一色
夜來千里共蟾輝

襟懷冲曠憶江湖
老我全吳契不踈
北闕乍違堯日遠
南風新入舜絃初
紵溪鑑水吟無厭
箭筍鎗茶味有餘
越絕主人招意重
臥龍山好駕安車

少師自南都見訪為詩以謝

中懷和氣祇如春
對酒賡歌莫厭頻
半載昔同參國論
十年今長類天倫
不辭命駕踰千里
應念同心有二人

珍重宗盟恩意厚歲寒終始見松筠

留前人度夏方回南都

官師彌壽降尊時頓覺光華滿郡扉
況屬炎暉初可畏未逢秋爽莫言歸
山堂酒嫩浮紅蟻石縫茶新碾翠旂
有美望湖風四面尚留揮汗雨霑衣

時公在舟中

次韻前人題六和寺壁

上方樓殿已幽深更向諸峯勝處尋
金擺池魚驚俗眼琴調山溜寫清音
紅芝九本初無種翠栢千株自有心

衆羨官師康且壽始知功德積未陰

陪前人游西湖兼簡坐客

絲管喧喧擁畫船澄瀾上下照紅蓮一樽各盡十分酒
四老共成三百年北闕音書休憶念西湖風物且留連
杭民夾道焚香看白髮朱顏長壽仙

再用前韻

共泛湖光范蠡船持盃歡客倒金蓮此時朋契偕行樂
何日君恩許引年照水暗知華髮改倚樓高與紫雲連

安車盛暑盤桓好況是人間一散仙

武林言懷寄程給事

歲豐公暇兩安舒吳越詩筒不使陳世契瓊瑤風誼厚
秋光懷袖氣涼初二千石重閒無計七十年過退有餘
得旨便歸田隴去鄉人從笑老農如

○次韻前人懷西湖之遊

昔時唐殿預英雄今獨湖山幸會逢謫宦青錢曾萬選
承恩白首是三公

謂林希

謂趙鼎

龍山我念經年別虎榜君

曾昔日同老守七章還印綬
俞音朝暮出宸衷

次韻前人見寄二首

羨公鈴閣絕纖塵
顧我何嘗德被人
訟牘自憐無日暇
詩筒翻喜入秋新
白頭未許還官政
紫詔頻煩慰老臣
一去蓬萊已踰歲
夢魂長到十洲春

立賢中外聖情均
青鎖闥中輟邇臣
越水澄清無俗慮
秋風蕭瑟助吟神
分符共治俄經歲
屈指同年尚幾人
退鼓近來衰氣覺
敢將詩酒敵東隣

寄新筠守毛維瞻大夫

倚廬聊見復睽乖憶遺詩筒字字佳為乏瓊瑤酬雅意
故憑筆牘寫離懷程賒越北層雲斷路入江南疊嶂排
我望貽書何以報要將風誼屬吾儕

次韻許遵少卿見寄

頭上有霜添白髮囊中無藥駐朱顏堪驚積歲加衰老
未省何時得退閒淵淨思臨浮石渚喧譁羞對武林山
君恩早賜俞音下即擁菟裘故里還

答前人喜杭越二守賡唱

吳越江分兩郡齋
濤音朝夕聽風雷
且陪故友閒賡唱
未遂先廬歸去來
時節豐登饒鼓吹
湖山清曠見樓臺
中秋明月期公共
萬里烟氛徹曉開

喜吳評少卿致政

春秋七十更踰期
同甲同年世所稀
未遂乞骸嗟我老
已輸先手羨公歸
良朋集有湖山樂
故里思無羽翼飛
預想俞音還印日
鷺濤秋色上行衣

次謝許少卿寄臥龍山茶

越芽遠寄入都時
酬倡珍誇互見詩
紫玉叢中觀雨脚
翠峯頂上摘雲旗
暇多思爽都忘寐
吟苦更長了不知
想到明年公進用
臥龍春色自遲遲

次韻程給事郡齋即事

望中吳越不為賒
止隔濤江便一涯
臺沼賜湖非俗地
蓬瀛標閣屬仙家
僧居壁古多留句
吏事庭虛只放衙
勝絕東方無復道
當年元相有詩誇

次韻前人郡齋秋暑

老爲鄉郡止偷安，自愧仙蹤未易攀。
八面松陰籠古寺，三秋桂子下靈山。
良朋寄意詩篇裏，高會追陪夢寐間。
却憶會稽清曠處，樵風朝暮若邪灣。

觀寶林院塔偶成

寶山新塔冠山形，心匠經營不日成。
突兀挿天三百尺，莊嚴容佛一千名。
下臨泉竇靈鰻蟄，上拂雲端過鴈驚。
入境行人十餘里，指浮圖認越王城。

次韻毛維瞻度支過杭見贈

吳民疲病漸攻治，尋勝西湖不放稀。
秋後濤江增氣勢，夜深燈市闕光輝。
望雲翻憶青山舊，上印須添白髮歸。
孝弟里閭松竹茂，柴扉誰復羨朱扉。

送姚源道郎中赴闕

我念同僚遽解攜，贈言如古漫成詩。
二年別乘臨岐日，八月登槎上漢時。
莫阻十分斟釀蟻，不須三嘆聽歌驪。
還朝寵數應非次，神聖方今大有為。

寄致政范鎮郎中

分攜常憶禁門東，四見光陰換歲筩。
白玉堂中辭舊相，青城山裏訪僊翁。
當時大本從忠諫，此日長年益道風。
應惜西湖猶未到，近來同賞有三公。

謂趙少師

杭州鹿鳴宴示諸秀才

秋闈賢詔出嚴宸，郡國詳延在得人。
豹變文章重君子，鹿鳴歌詠集佳賓。
初聞素履稱鄉閭，終起英名動縉紳。
預想帝庭俱唱第，寵光榮宴杏園春。

遊元積之龍圖江湖堂

高堂遊賞興無厭
況是江湖兩得兼
白傅閣危猶下視
子胥濤遠更前瞻
盤桓鼓吹風光盛
掩映烟波氣象添
太守老來難久戀
柯山朝暮欲歸潛

次韻程給事登蓬萊閣偶成

蓬閣下臨千嶂起
戟扉前對五雲開
誇詩舊屬元之宅
叶氣今同老氏臺
月滿夜疑僊子降
風恬春喜故人來
近緣冗劇懷清曠
夢裏東遊到幾回

次前人遊鑑湖

湖治誰能繼後塵馬侯祠閣至今存

昔太守馬
臻開鑑湖

窮源上

達僊翁井引派旁通吏部園紅旆遍遊償素志畫橈歸
去近黃昏別懷屈指暮將半況屬鄉州役夢魂

次前人越州鹿鳴宴

郡國秋闈籲俊辰行修經治以名聞芳筵縹緲開三島
大樂誼譁徹五雲高桂折香期月窟祥星垂彩應天文
集英唱第麻衣脫得志無忘賢使君

次前人贈奉使高麗安燾密學

為嘉航海北徂南，雙節勤勞帝命銜。
日下亟馳傳詔使，江邊遙訝過洋帆。
才謀銳若金曾礪，德操剛同玉更鑱。
機務須賢應並用，詩人莫惜詠巖巖。

次前人遊梅山寺

上方金碧冠諸峯，知是蓬萊第幾宮。
畫舫去尋湖面濶，危亭登望海門通。
梅仙舊說為真隱，佛子新傳倡祖風。
我憶前春曾遍覽，至今來往夢魂中。

郡齋成寄前人

退公真靜獨披襟尚愧前賢探道深
零落交游難屈指
崇高軒冕不關心未還印綬饒鄉夢
猶倚湖山助老吟
訟銛虛空人事簡錢塘安得似山陰

屢乞致政詔答未允述懷

自愧孤忠荷聖慈恩榮懇向九天辭
于今蒲柳衰殘日
好是雲烟放曠時玉闕累章煩賜詔
澌江兩漿蹉歸期
宵征自有高人笑漏盡鐘鳴曉未知

同毛維瞻度支遊烟霞洞

洞有烟霞寺掛牌武林奇處稱吟懷出城旌騎非虛往
同里交朋喜得偕鵠首西征隨浪遠鴈行南過入雲排
恩隆魏闕朝天日寒晚鳴珂上禁街

武林閱兵

吳天霜曉弄寒暉金鼓喧闐大閱時帳下萬兵聽號令
軍中諸將肅威儀采侯命中連三箭花陣分排卓五旗
愧乏韜鈴當重寄儒生初是學書詩

次韻程給事同孫覺學士楊憲景畧遊天衣寺

元是玉皇香案吏等閒吟笑即成文
松廊駐節排千騎
山逕尋真步五雲
諫院高風矜共賞
憲臺清論喜同聞
三賢一會誠難有
歸暮休辭酒十分

遊戒珠寺悼右軍故宅

因山盛啓浮屠舍遺像仍留內史祠
筆塚近應為塔塚
墨池今已作蓮池
書樓觀在人
隨遠蘭渚亭存世
幾移數紙黃庭誰不重
退之猶笑博鷗詩

次趙少師叙感歎老

稟靈南極老人星貴得三公論道名被旨入陪郊祀禮
放懷來聽海潮聲朋從自古悠長少勢利令人鄙吝生
公獨久要中外伏直將金玉比純誠

題孤山寺湖上閣

孤峯諸寺聳雲樓寺脚周環枕碧流和靖久居勤賦詠
樂天臨別歎勾留拏舟直度開千騎佩印重來僅十秋
預約前春掛冠去湖山閣好換休休

司空圖作
休休亭云

次程給事題法雲寺方丈

府公清眼照孤心，結構仍誇壺奧深。
師悟趙州庭栢境，我知青嶺震雷音。
粟粘便是三千界，草用曾為丈六金。
一滴曹源誰可測，海門騰起浪千尋。

寄酬蔡仲偃都官

守蜀思無羽翼飛，所思東向澌江湄。
山林適意君先手，軒冕辭榮我後時。
道阻八千通遠信，年迎七十是歸期。
故人恩意如金玉，新得郵中數首詩。

贈別周元忠秀才

吾里推高節行孤諸生師帳是規模窮經不治五畝宅
教子已為千里駒暫出林泉飛兩槳且陪風月賞西湖
了知富貴儻來物誰向浮雲問有無

次韻張僑慶毛維瞻得謝

里人迎候巷居稀未老先休世所奇兩頰朱顏公退速

公年方六十八

滿頭霜鬢我歸遲

余年已七十一

優游豈顧千鍾祿收

拾如終一局棋飲食節調資壽祉願同山下有雷頤

武林冬至日即事

況是東吳大有年，晨興佳氣滿平川。
魯臺紀瑞光諸史，漢殿稱觴慶九天。
鑾輿肅還裡，禮畢雞竿高揭赦書傳。
勾萌競達人知否，占得羣陽一日先。

次韻張著作過李虞部舊居

美璞藏山寶在沙，急賢飛詔落幽遐。
直廬去講先儒業，斷逕空存舊隱家。
魏闕當時蒙雨露，衡門今日鎖雲霞。
鳴珂一顧踟躕過，山揜寒林夕照斜。

贈講僧遇清

松檜成陰夾徑寒
喧卑無路得相關
因嗟勢利方為市
故掩庵扉獨占山
薄俗性隨紅葉變
上人心與白雲閒
慙慙約我休官後
深築隣齋數往還

次韻毛維瞻白雲莊三詠

掬泉軒

好山深處靜開軒
目送孤雲手弄泉
枕石堂無金玉富
濯纓家有子孫賢
初尋舊隱逢三伏
已發新吟僅百篇

聞說夜分煩暑散涼颼渾似素秋天

平溪堂

亭號休休古退藏豈如溪上構虛堂坐邀城市真瀟灑
却謂江湖太渺茫下筆新題無俗事搢笻野服是家常
臨流最有清風快未見故人心已涼

眺望臺

治圃我依浮石灘築臺君占白雲山三秋一日登臨外
千里同風咫尺間峯黛陰晴長黯黯溜琴朝夕自潺潺

休官誰道何曾見林下如今兩處閒

信筆示諸弟姪子孫

進欲安舒退欲恬要將高行與文兼吾門自昔傳清白
聖世于今重孝廉孔氏性情歸利正仲舒仁義事摩漸
人生試看無聞者徒爾區區歲月添

寄程汝玉秀才

鄉閭推服孝廉名謝絕辭闌樂太平黃卷不忘窮古聖
白頭無倦誨諸生安車未召人為晚束帛重來世所榮

況有知音賢太守懇章三度薦遺英

次韻梁浹瑞芝

聖旦求賢野不遺如公諸子定逢時
默期苑裏留丹桂喜向門前獲紫芝
香已與蘭盈一室餌當同朮有三枝
昔年書牖曾呈瑞報為登科衆所知

予明道中寓餘慶院結課芝草生書

牖上因題有靈芝如可採仙桂不難攀之句明年春果叨科第故云

十八男岵自溫倅迎于鴈蕩溫守石牧之以詩見

寄次韻

自諳趨拜力惟艱柯嶺歸休遠帝衆抱甕不能師老圃
驅車猶足訪名山魚書入手慙慙後鴈字排空杳靄間
多荷主人期我意謝公遺跡願躋攀

次韻台州姚舜諧見贈二首

解印全吳二載餘近來人指事何如尋真徧賞台山後
假道行觀鴈嶺初把酒幸陪登怡憤

中子山別名

泛舟忻得

緩徒車別來早獲魚中素兩首新詩一紙書

過婆遊台又倦勤路旁馳看兩州民也知勝處青山舊

自恨來遲白髮新
暫憩瀛宮求道侶
載瞻方廣想仁鄰
貳車章句猶憐我
為是雲泉無事人

遊鴈蕩將抵溫州寄太守石牧之

霜風雙鬢雪髻髩
物外尋真頓離凡
子舍若非叨別乘
我車安得到靈巖
碧窺秋瀑心同洗
紅嚼山杞口似饒
多謝賢侯見招意
數貽嘉詠與珍函

自溫將還衢郡題謝公樓

鴈蕩周遊遂此過
永嘉人物竟如何
三賢籍籍風流守

孫興公謝康樂願
延之皆古之賢守也

一宿忽忽証道謠

子登無相禪師閣
亦嘗撰贊留于塔

下城脚千家具舟楫

郡裏外通江海民間
悉置船舫尤便出入

江心雙塔壓

濤波因留子舍欣踰月歸去吾知所得多

將還三衢呈溫守石郎中

尋山初為子來迎乘興隨潮入郡城心賞皆如逸老願
禮隆仍盡主翁情綵舟笳鼓雙雙開金地樓臺處處明
風物雖嘉難久聽安車朝夕且西行

送鄭琰大夫赴建昌軍

三擁朱輪志少酬忠懷曾不為身謀
桐江郡政居優課
柯嶺鄉評占上游
里彥昔陪公共薦
帝俞今幸我先休
分攜莫憚炎威盛
到日清風一變秋

次毛維瞻溪庵

退訪雲山遠世塵
結庵臺上古溪濱
園棊每放爭先手
隱几能安自在身
鷗鷺後前如舊物
龜魚游泳不疑人
曲肱飲水真賢樂
何用淵明漉酒巾

又白雲庵偶題

紅塵無跡到山家
留待詩人大筆誇
坐石與僧談翠竹
開樽邀客醉榴花
鷗隨釣叟孤舟遠
牛戴村童一笠斜
占盡神仙瀟灑地
清風明月有誰遮

湖北運使學士十二弟揚生日

原上分飛羨鵲鴿
今遙荆渚昔離青
誕辰一紀阻良會
慶席百杯新永齡
對局每思樵客斧
焚香長奉老人星
辛勤五福康寧術
見說時看內景經

送穆舜賓承議致政還鄉

清修平日得無慚學道勤行肯妄談軒冕誼諱公始悟
林泉瀟灑我先諳曾憐避弋雲中鴈每念纏絲繭裏蠶
畫舫西歸時節好春山如黛水如藍

送十七姪嶙承事赴任貴溪

百里囂繁不易為乘時今去是鉉基直令爾邑成良俗
況自吾家有吏師却扇涼飈驚熱奪下車和氣覺春熙
綵衣迎養雙親志此樂人間更有誰

送任浩朝散赴鄱陽景德鎮

十年留滯尚為郎樂道無愁解到腸去路溪山排古嶂
滿囊金玉貯新章休論富貴可求事況得神仙不死方
官罷錢塘好歸矣濯纓清自有滄浪

送范伯玉奉議赴闕

富貴於身有重輕平生忠鯁世知名不須勇事歸田計
況有常推報國誠通籍官聯分帝念慶門恩賞作親榮
一帆西上瞻天去九月霜風壯客程

題毛維瞻懶歸閣

溪流回合引方池，軒檻前臨面翠微。
紫陌紅塵行不顧，白雲青嶂坐忘歸。
方榮即隱誰能繼，未老先休世所稀。
我昔凌晨登閣會，主翁留散見蟾輝。

生日高齋曉起示諸弟妹子孫

榮途四紀歷艱難，宦政天恩許賜還。
曉起焚香清一室，夜來飛雪滿羣山。
詩筒遠到披郵置，壽筭交行醉席間。
弟妹五人三百歲，喜吾霜鬢尚朱顏。

題濯纓亭

靜處高齋畫杜門溪亭來往間開樽釣臺逸老心非傲
浮石仙人跡尚存對岸烟林雙佛寺隔灘風笛一漁村
濯纓豈獨酬吾志清有滄浪示子孫

題葉坂梁氏南齋

我愛黌堂用意精義方垂訓為趨庭學攻白玉須成器
教積黃金不似經滿架簡編終歲樂擁門松竹四時青
諸生有遂登榮者一月光能掩衆星

會燕溪亭示同席

新構園亭好客過塵緣都不問如何愛吟瀟灑封侯句
恥詠滄浪濯足歌莫笑杯盤常藉草且觀舟楫半隨波
子知此樂無涯否盡是天恩與幸多

哭康守趙師旦

五月炎方侵氣浮賊鋒殘忍入康州肯拋孤壘偷生去
誓禦羣蠻竟死休沒世不名賢者恥長年為辱古人羞
嗟嗟潛叔今何恨憤血忠魂勁草秋

寄處州太守徐大夫

潛山西畔紫溪邊林下相逢豈偶然撫掌急於雲裏電
回頭還似火中蓮黃花翠竹年年色明月清風夜夜天
誰謂故人相去遠好溪長與慎江連

題真岩寺

一炷清香一解顏幾生修得到林間朝無事也夕無事
坐看山兮行看山梅玉破香供宴坐松風奏曲度禪關
靜思四海五湖客雖有黃金無此閒

清獻集卷四

欽定四庫全書

清獻集卷五

宋 趙抃 撰

七言排律二首

次韻楊鴻漸察判見贈

縣令於時襲漢唐震雷為治制封疆得人固可恩千室
無狀須憂病一方愚品昔蒙登仕籍薄材今幸預朝綱
但欣孤迹辭丘壑豈有深謀贊廟堂萬里山川來隴蜀

十分風物類江鄉存心撫俗圖歸正顧已臨民敢不莊
蓮幙似君誠慷慨蘭言遺我極芬芳自嗟寸善無裨補
更辱長篇盛播揚投李莫嫌遲報贈解琴終擬效更張
若狐朋照宜身愧冠弁我我佩玉蒼

次韻前人見贈

惟公治迹嶠之南增秩頒金出帝命靈獠望風安畛域
城闔興築賴輶鈴恩行稚耄增和樂令下姦豪盡伏潛
撫俗上寬當宁念揚風深副遠民瞻潮陽鱷去因誠禱

合浦珠還表性廉五嶺盛傳威德著九天俄下詔書嚴
紫宸入覲輸忠謹青瑣歸來發滯淹蹇蹇去為中國使
皇皇寧許外夷覘河冰日度疑鋪玉朔雪時逢類撒鹽
持節塞垣先正席過塗溪館盡窮閭光華不辱熙朝命
誹訕因知黠虜愴去路冬迎風若箭還朝春早月如鑪
論勲已出庭臣右得禮應須史筆添賜對預陳官政致
稱褒親被德音恬天人密語依旒冕風日微和滿扇簾
得請鄉州心且適暫違黼座義無嫌都門客競千鍾餞

禁掖詩仍二府魚巨艦解維桃浪緊高樓夾岸柳絲纖
經途駐節頻開筵密宴噴香似展區會友樽罍醅潑蟻
渡淮詩什硯磨蟾居常志氣惟中立雖久淹徊肯附炎
夜泊每窺漁父火曉行遙認酒家帘吳江橘柚津偏美
茂苑鱸蓴味正甜上冢朋從空里巷過家車馬擁門簷
隣邦餉勞迎旌榮樂榭歌歡散綵縑渡越一潮催疊鼓
去杭千騎擁行旂抑強撫弱恩先被宣化承流澤下霑
鑑水漁樵隨業樂秦山草木盡仁漸想經歲月須膺名

縱有著龜不在占屢寄詩筒追故事親揮墨寶見勞謙
水清氣誼同初淡膠固情懷未比粘何日西歸容迓禮
莫辭吟醉夜厭厭

七言絕句二百八十四首

題馬伏波廟二首

壯敵無前老未休賞功銷得到封侯印歸新息不還葬
似與諸蠻一報仇

平生忠勇建殊勲薏苡疑珠竟不分光武明如辯讒者

肯教千古負將軍

和沈太博見貽

待得清明已半春
幙中何許可娛賓
堵觀不是穿楊手

珍重賢侯誨爾頻

習射得詩

和沈太博會春晚歸

未醉樽前未可歸
青春九十日芳菲
名園一夜狂風雨
苔上殘花點綠衣

何推官見招游嶽麓以郡中事冗弗克偕行口占

二絕以謝

送客江亭一望間，隔江奇勝有千山。
江頭未必無舟子，自是名韉不暫閒。

麓苑峯岑對橘洲，山如屏嶂水清流。
誰能向北孤尋勝，案牒裝懷不自由。

和沈太博小圃偶作二首

名園雨後百花繁，人倚危樓十二闌。
園裏芳菲樓上客，一般情緒怕春寒。

日烘薄霧開柔陌風冒遊絲著柳條語燕啼鶯自撩亂
驚人殘夢是春朝

不與祠嶽再呈通判沈侯

蔡侯不是不尋仙俗骨由來欠玉鞭待得麻姑重前約
只應瀛海已桑田

次韻見和

古祠靈鎮會真僊一夕春霖激電鞭待得歸航已新暑
小荷江上綠田田

代寄劉信臣

無慘情緒滿眉頭去後方知有別愁
翠幃雕鞍杳何所相望重上夕陽樓

和前人見寄

此去山重水復重登臨無復嘆途窮
應將往事閒追憶疑是邯鄲夢枕中

下馬郵亭夕照天獨憑離緒問蒼圓
故人此去無多地何事銷魂重黯然

和何節推重九

喜陪佳客上高臺
醉策驂騑薄暮回
黃菊滿頭堪自咲
朱顏何必為人開

寄里中親友

上盡危梯望社榆
亂山千疊隔吾廬
四方盡是男兒志
敢嘆離羣與索居

雨中見花戲呈伯庸秋曹

臉紅消盡淚闌干
似向人前欲訴難
若是東君與為主

肯教風雨盡摧殘

和勉三兄

求賢在昔常推轂訪道當年亦顧廬聖旦光華今籲俊
長卿無苦歎貧居

題隱者邵醇郊居

驅車乘興謁先生十里秋光照眼明淨室寒窓無長物
道書狼籍古琴橫

贈濮陽高蒙處士

事了還家不記年三茅儔侶盡真仙恰如少華希夷子
十度花殘一覺眠

先祖太傅贈
陳搏之句

再得成都過華陰

孤臣何以報君恩願澤坤維軫慮分却笑乖崖懶重去

有詩羞見華山雲

乖崖云回頭
羞見華山雲

熙寧壬子至節夕宿兩當驛

里數二千七百餘兩當冬夜宿中途舉朝五往東西蜀

還有區區似我無

過青泥嶺

老杜休誇蜀道難我聞天險不同山
青泥嶺上青雲路二十年來七往還

謝天彭淨慧大師見訪

庵巖歸隱絕纖埃內外中間安在哉
正似無心雲一片等閒隨雨出山來

禪僧重元自青過齊因寄

教被山東十稔餘人人師為指迷途
仰天峭絕靈巖峻

萬里閒雲一點無

次韻陳經侍御史禁中牡丹

靈根得地占雕欄
禁苑春深奈曉寒
烟葉綠舒成翠幄
露葩紅聳似朱冠

過公安

子美嘗有發劉郎
浦離公安渡詩

劉郎浦上公安渡
我過高吟老杜詩
烟浪幾重江幾曲
算應風物似當時

將到荆南先寄胡判官

出京曾說會江陵期在初春恐未能君騎駸駸我帆便
果來同看上元燈

酬寺僧文昶

曾進詩
賜紫衣

師昔將名動冕旒恩光歸去照西州如今白首詩隨老
字字清風敵素秋

和曾交見報代者

慣見河陽縣裏花何時歸種召平瓜江東正是鱸魚美
昨夜西風夢到家

招劉絳主簿遊山

青城峯頂更樓臺世界隨高俗意開
今夜雲歸有明月
按琴傾酒待公來

題張俞壁

詔書三度落坤維為白雲溪獨掩扉
我愧俗疎來訪道
不逢斜日又空歸

自殿院得請知睦州同范御史挽舟過潁寓言

潁波清闊接淮沂人似遊山棹似飛
酒熟鱸肥何以樂

與公同是故鄉歸

得請天閤出擁麾舊山東望已心飛君恩欲使鄉人寵
猶許我冠獬豸歸

初見遙山橫水湄舊鄉依約白雲飛還同戶部詩中道
終日思歸此日歸

題范御史舟中偶書

遭時致主期堯舜力道終身致孔顏出處兩途公試看
幾時能放此心閒

和美毘陵鮒魮之美

江南鮒魮客誇肥公到常州鱠熟時見說桐江魚亦好
昔賢多作釣臺詩

和偶書

古人胸臆賤才多醒自真搜醉自哦今日淮山且詩酒
不勞賢否問誰何

和宿峽石寺下

淮岸浮圖半倚天山僧應已離塵緣松關暮鎖無人跡

惟放鐘聲入畫船

次韻省山

到爛柯山即武庚並舟於此袂將離公來一意蘇波俗
借問閩州知不知

和范御史見鷓鴣與鷺鷥為羣因感黑得魚多

二鳥一生汀渚上已堪圖畫復賡歌莫將黑白欺人眼
所得旁觀不較多

新到睦州五首

觀風閣

一凭欄望意無窮
民屋連雲疊嶂中
微術可令民不疚
有慚茲閣號觀風

賞春亭

滂葩浩艷滿亭隈
當席芳樽醉看來
始信春恩不私物
亂山窮處亦花開

高峯塔

上石披松十步勞
下窺人物見秋毫
嗟誰更向孤峯頂

樹塔孤撐碧落高

玉泉亭

潺潺朝暮入神清
落澗通池遶郡廳
亂石長松山十里
討源須上玉泉亭

烏龍山

泉石淙淙瀉百尋
羣峯環翠起春林
危巔台雨雲先作
不失蒼生望歲心

新定言懷

吾家於衡守於睦治餘何以樂且閒仙棊一局釣一壑
爛柯山下嚴陵灘

和范都官行後九日奉寄

湖平風穩送歸航望隔嚴灘七里長更上高峯儘高處
黃花新酒醉重陽

喜十二弟登第

景祐初余唱第歸入門逢爾正兒嬉如何二十二年後
繼得蟾宮桂一枝

新定筵上

衣紫金魚耀服章
桐廬太守捧壺觴
邦人聞道南來貴
觀者渾如入射場

次韻葉紆太博惠硯二首

遺我佳篇字字珍
更兼山骨琢磨新
古賢最重瓊瑤意
持報曾同硯席人

多謝君詩重見珍
硯從黔水濯來新
持當夏晝南窓看
玉發光輝冷照人

次韻范師道龍圖三首

舍車弭蓋爭尋勝坐石攜泉旋煮茶可惜湖山天下好
十分風景屬僧家

八月湖平絕越通桐江烟水亂山中客舟安穩尤為幸
百尺蒲帆一信風

釣叟高風冠古來思賢令我意徘徊當年高隱恬無事
應似春登老氏臺

次韻得便風

福守之官大道通乘舟朝發怒濤中高帆得勢鷗開翼
飛起滄溟萬里風

過嚴陵呈前人

使棹穿溪彌屈曲溪鷗隨棹更徘徊地經嚴隱翻高尚
應轉心輕在栢臺

謝梁準處士惠琴

高懷宜與正聲通妙絕孫枝三尺桐開匣為公鳴一弄
薰風中有故人風

送講僧懷儼徙居天柱

卓錫江頭十載餘，師心純靜到真如。
更嫌城郭人來近，移入白雲深處居。

同信守趙誠司封會靈山亭

寺亭高絕面靈山，迤邐羣峯不可攀。
登賞誰知賢者樂，獄扉空冷訟筭閒。

登龜峯羣峯亭

桃花臺下繫輕舸，直上崢嶸不憚勞。
歷示羣峯三十二

一峯還壓一峯高

過鄱陽湖先寄洪守唐介待制

上冢家留榮且哀
賴民應怪苦徘徊
鄱陽湖共天同闊
不惜乘風破浪來

內閣朝廷號正臣
竭來江外擁朱輪
危檣西喜洪都近
諫省當時舊主人

謝周源職方惠詩

嶺上寒梅冒臘開
故人千里意徘徊
佳篇贈我慚無報

明月珠投暗裏來

言懷

前日桐江今贛川
諫官得郡愧非賢
東吳鄉便君恩厚
理棹重來始四年

答贛縣錢顓著作移花

令尹憐花意思勤
海棠多種郡園新
自從兩蜀年年見
今日欄邊似故人

次韻郁李花

花縣逢春對曉暉
朱朱白白綴繁枝
梅先菊後何須較
好似人生各有時

題中隱堂二首

動跡無凝靜性通
小松疎竹一堂風
憑山倚市何須問
不隱形骸只隱中

植杖焚香貝葉經
主人無事掩松扃
兀然隱几秋宵靜
雲在諸峯月在庭

廉泉二首

歲旱江潢萬井汚此泉深淨肯清渝
伯夷死後泉流在能使貪人一飲無

庾嶺中分泉兩派美名人愛惡聲嫌誰
云酌後能移性南有貪兮北有廉

次韻周國博不赴重九飲會見寄二首

嫩菊浮香酒潑醅命儔歡飲鬱孤臺
如何興會翻為恨為欠車公一到來

九日年豐獄訟稀望君同醉樂無涯
樽前慰我區區意

只得登高一首詩

舟過何若谷郊居

峽口寒流如箭急
灘頭輕棹若雲奔
玉峰樓鎖人歸去
回首斜陽一點魂

送張聞職方歸江原

未登七十早還鄉
終日高吟酒滿觴
訪我飄然又歸去
萬松莊裏引年堂

乙巳歲渡關

誰云蜀道上天難險棧排雲徹萬山我愧於時無所補
十年三出劔門關

次韻六弟抗黃花驛樓作

稅鞅憑欄眼更醒須求國手上丹青樓前雲水無窮好
樓下塵喧不復聽

和六弟飛石

磷磷崖石有時飛吉士何嘗中禍機刺史擊強宜默助
害盈誰謂鬼神非

和六弟過飛僊嶺

雲嶺觀遊詎肯勞飛僊嶺過穩翔翔道風仙骨朝真去
未必不緣功行高

題清風閣

錦川城裏玉溪橫溪上浮圖畫閣明我念官拘登未暇
有風終日為誰清

謝蜀倅盧夏郎中惠詩

三十三年同榜中始來全蜀見詩翁文高格老人知否

為見元和遠祖風

送劉昭寺丞游河南

雲水無心是處同
洛陽花發正春風
路逢達道人休問

熊耳山開少室空

寄成都甘露舒大師

惟人固有東西跡
於道豈分南北途
來往從師多飲德
只應甘露是醍醐

聞雷可喜

雷奔電激夜溟溟虎嘯龍吟魄鬼驚用即不勤功即進
聖胎涵養道芽生

辛巳青州翫月有懷

中秋去歲中和宴

中和杭
州堂名

表海今宵北海蠶

表海青
州亭名

天

上無私是明月隔淮千里照人來

初赴杭州遊風水洞

風月有聲連水洞聽風觀水暫閒身杭州未入從容甚
且與南山作主人

登開化寺白賁亭

秋霽濤江氣象寬
龍山亭聳凭雲端
老僧欲快吾心目
旋剪當軒竹數竿

別杭州

政成五月愧前賢
又向東風解畫船
却羨樂天詩裏道
皇恩曾許住三年

次韻孔宗翰提刑范公泉

陸羽因循不此尋
從知泉品未為深
甘清汲取無窮已

好似希文昔日心

龍昌寺西軒

樽酒西軒共倚欄更無塵事見顏間
留詩都士知公否
仁者從來不厭山

題郡園亭館

為愛東園四照亭剪開繁木快人情
新秋雨過閒雲卷
十里南山兩眼明

寄酬齊州魯瓘學士二首

太守文章聳縉紳
兩湖風月助吟神
訟庭無事鈴齋樂
聊屈承明侍從人

樂天當日詠東吳
一半勾留是此湖
歷下莫將泉石戀
而今天子用真儒

贈蔡山王處士

蔡山深處隱林泉
遠離塵紛僅十年
已得琴中平淡意
有絃終日似無絃

贈詩僧

戀勝窮幽彼上人平生瀟灑樂天真松間竹下成何事
坐諷行吟老更新

送張處士

下峽孤舟快似飛西江歸去一天涯鄉人故眼知君否
功行如今無不為

送雍子方學士

召節君趨禁掖中請藩愚向浙江東清時內外俱為樂
鶴有喬松鳳有桐

寄題導江勾處士湖石軒

水精宮裏石奇哉萬里從容入蜀來都與先生助吟賞
惹烟籠月一窓開

張憲重陽中得大黃上芝草一本作金龜以負之
為賦

錦文瑞正孕靈芝藥市中惟此物奇入手却容凡眼看
寶囊開處坐金龜

和詩僧栖詰求詩

澄觀未逢韓退之當時佳句有誰知
蟠龍僧膽大如斗直以詩求蜀守詩

和榮學士長瀆關所寄

竭來忠力豈憂危人似登仙馬似飛
却是玉溪梅正發未曾攀折候公歸

謝張遨先生惠詩

懷想僊風甚渴飢岷山潛德世誰知
愚今幸有真消息先得曹溪五首詩

贈前人酒

器潔泉香忻得醉
慙慙分與洞中人
知君一飲無窮樂
和氣三田長似春

題御愛山

岷峨西列華排東
餘縱崢嶸敢競雄
不是當時經御愛
此山還與衆山同

次韻文學士寄仲南長老四句

休官休問幾人曾
歸約林泉有衲僧
況是本來安樂地

曹溪何用見南能

寄梓州守元舍人

錦城匝地清風起為得梓州書一紙莫問分符隔兩川
水月東西共千里

題五丈原二寄木

古庭薜荔附長松歲寒共有凌霜操諸峯凍合萬木彫
看取門外長安道

和記長老道頌

道妙無為無不為從他是是與非非更須進步如平地
百尺竿頭向上機

漁父五首

一帶寒波雪浪流謝郎終日在孤舟沙鷗數隻和烟落
笑倚蘭橈獨點頭

月印蒼波入夜寒寂寥燈火水天寬兒孫未解諳風色
幾度船頭失釣竿

莫笑生涯一葉舟江湖來往自悠悠絲頭漫有潭中意

逐浪魚兒不上釣

卧看鰕魚日幾遭
蒹葭風起片帆高
任公信是宜漁者
只候垂釣鉤巨鰲

輕波拍岸琉璃碧
落日銜山玳瑁紅
一曲漁歌人不會
蘆花飛起渡頭空

行甫索頌卷

空生老病已忘言
何處如今有偈篇
要會從來無一字
溪邊楊柳密籠烟

贈五嶽觀王道士二首

解蜀歸吳十月行出門無計別青城憑師為上希夷殿
稽首燒香道姓名

道士修真心地樂域自逍遙鄉寂寞世間名利任紛紛
一弄清琴一爐藥

宿房公湖偶成

廣漢園池蜀自無却思房相未如吾浙東歸去君恩重
乞得蓬萊與鑑湖

眉山麻衣至德觀真僊亭

我愧無能使兩川龜琴為伴僅三年清朝自是朝真客
何必登山更望仙

正信表詢長老

欲導羣迷建法門千言百句與誰論入泥入水勞心力
不負黃龍五代孫

送程給事過越不及口占以寄

立馬江頭一點銷曉光浮動十分潮西陵送目仙舟去

鏡鼓旌麾迤邐遙

杭州八詠

有美堂

城在東南誠第一江湖只向坐中窺
斯堂占勝名天下況有仁皇御製詩

中和堂

老來重守鳳凰城千里人心豈易平
樂職古賢形頌歎中和詩不為虛名

清暑堂

江上潮音曉暮聞
天饒風月地無塵
自憐清暑堂中景
容得衰翁未退身

虛白堂

松蘿瀟灑似居山
賓退公餘半是閒
誰謂樂天虛白意
只傳詩句落人間

巽亭

越山吳水似圖屏
妙筆無緣畫得成
閒上東南亭上望

直疑身世似蓬瀛

望海樓

潮神千里若雲雷
日月如期早暮來
景覓東樓天下少
簾帷長對海門開

望湖樓

倚棹漁舸恣往還
澄波如鑑照羣山
遠湖三百浮圖寺
祇是憑樓一瞬間

介亭

介亭羣石似飛來深插雲林兩兩排
占得羣峯最高地
翠姿何處有塵霾

次韻程給事會稽八詠

鑑湖

閣下平湖湖外山陰晴氣象日千般
主人便是神仙侶
莫作尋常太守看

望海亭

倚欄曾此望滄溟延頸移時類鶴形
別後幾回關夢寐

終求精筆寫丹青

望秦樓

縱觀滄海陟高峯巡幸無名是祖龍留作後來真賞地
望秦樓閣一重重

拂雲亭

青雲隨步覺身高燕雀卑飛不敢巢民屋萬家都下瞰
欄干迢遞出林梢

邃亭

小松幽石曲池清欲退山翁構此亭補外想公非久次
坐看巖詔下明度

妙樂庵

三年時得憩圓庵有客禪機不在談妙樂佳名人不會
府中無事畫潭潭

禹穴

洞天三十六非虛今古稱奇事可書深坎閑藏惟巨石
只應方士識龍居

戒珠寺

乘暇登高百丈巍
義之遺跡見豐碑
叢山下視無窮景
沉壓山巔是佛祠

次韻前人長至有懷二首

詩美皇皇使者風
禮修戎館致雍容
去年佳節遼東會
此日新陽湖上逢

我昔間關出使胡
新春沙漠未昭蘇
海東青擊天鵝落
鴨綠江邊曾見無

元日偶成

人生七十古云稀
加我新年復過期
住在三衢山好處
望中還賦式微詩

次韻程給事自述

稽山報政為和氣
併入元豐第一春
況有德音曾面被
定歸霖雨澤斯民

次韻前人懷闕下偶成三首

秘殿稱觴上壽時
御香氣馥曉風微
天顏密邇孤臣幸

四十年前一布衣

陟降三公捧壽觴
羣臣蕃漢下成行
天庭禮樂交修盛
委佩拖紳極巽牀

鶴鸞班列內璫催
曉色鳴梢天上來
賜宴羣臣醉歸去
滿身猶帶御香回

次韻前人謁禹廟三首

治水開陳遂刻碑
鉅賢留意向當時
主翁不作知音賀
妙絕如何見好辭

鑑水為功利一州至今稱頌古諸侯漁樵早暮餘波及
耆老思賢尚涕流

春色湖光照錦衣岸花汀草共芬菲若耶溪上游人樂
舉棹狂歌半醉歸

寄酬張致政

安車高蹈十年餘顧我臨川獨羨魚珍重藍田良玉性
火中三日只如初

次韻程給事寄趙少師三首

去日蓮花紅朶朶來時荷葉綠田田臨期更作西湖會
兩兩舟同李郭仙

來屬元豐第一年農歌鑿井自耕田惟公好事康寧福
更許杭民識壽仙

安車論別十餘年睢水歸思負郭田浩浩胸襟涵渤澥
飄飄風骨是神仙

次韻前人和許少卿見懷三首

望秦雙聳郡樓前佳氣葱葱雜翠烟太守風流詩力健

湖山無處不成篇

故交德重鎮輕浮恨不來乘剡水舟遠寄蓬萊主人句
字褒華袞若春秋

我守全吳公越東憲臺千里寄清風何時共作同年會
爛飲狂歌三醉翁

寄前人二首

小蓬萊對望秦山有會無邊不解顏太守新詩踰百首
邇來傳誦滿人間

古祠曾記禱靈神
旱雨滂沱救越人
大禹恩深無以報
我惟朝夕退藏身

次韻前人題曹娥廟二首

天資孝友本生知
不愧周人七子詩
絕妙好辭旌至性
豐碑千古奉墳祠

哀哀江上救沈尸
墓木留形世所悲
得旨春秋參祀典
孝誠今日再逢時

題陶朱公廟二首

為國謀深身自謀飄然歸泛五湖舟雖云文種知幾晚
未必忠魂為象蠡羞

不道夫差勢獨夫固持越計敗全吳陶朱智則誠為智
欲把忠臣比得無

次韻程給事寄法雲禪師重喜

法雲嘗負沒絃琴有曲古名清夜吟心指寂寥誰肯顧
遇公傾耳作知音

書圓通院水閣

風送荷花香滿欄上人宴坐水雲間時中靜極光通達
宣特浮生半日閒

次韻程給事書院浣紗石二首

傾國鉛黃不假施吳兵勦敵頓凌夷
苧羅石在千餘載好事公今尚作詩

吳宮金玉似泥沙西子東來舉國誇
一日越兵聲震地夫差猶惑眼中花

九日湖上登高寄前人二首

九日湖樓把酒卮拒霜黃菊鬪芳菲
五逢吳越重陽節
白首柯山未許歸

艤棹湖亭又訪山寺樓登賞十三間
更尋半隱先生跡

一擁朱輪未得還

葉職方號半隱先生
今守廣德宅在湖上

和前人書僧正院壁

為憂圓教祖風摧雨墜天花夜講開
會得王公題壁意
入塵摩詰是如來

寶林塔再成示諸僧

禪家自利利他人寶塔焚如復鼎新掃地便高三百尺
只應澄觀是前身

書道士虞安仁房壁

日月精華有術食不煩辛苦禮星壇葛仙公井甘泉近
應煉長生九轉丹

書道士張昌應庵壁

絕離聲塵二十春飄然風骨鶴魚雲庵中澹泊無餘物
一顆仙丹酒百分

禪僧重喜堅辭紫衣勉令承命

道場清淨絕纖埃雲水中間丈室開莫把賜袍容易著
帝恩新自日邊來

六弟司戶生日

祖教雙修日用間芳醪不飲自朱顏欲知難老真消息
曾餌融峯九轉丹

從楊監簿南歸

數隨鄉薦始登科清白門中所得多伯氏文章天下望

家風元是老維摩

登安樂山塔

池有靈泉泉有龍高僧深隱梵王宮
雲林百里如屏障
安樂山西一望中

瑞蓮花示禪僧

紅蓮攜贈碧蓮堂一本雙葩頗異常
珍重承天脅尊者
聞風晨夕是清香

送僧得賜經還永嘉

志願未如終未回十年京洛走風埃珍函寶藏五千軸
一日降從天上來

送杭州道士錢自然

帥王歸覲息兵鋌吳越蒙恩過百年世賞至今軒冕盛
真孫宜作地行仙

觀潮因寄五弟拊生日

祝弟生辰不憚遙元豐六稔慶三朝源源祺壽來無盡
一似錢江兩信潮

送張彭赴會稽丞

扁舟行渡浙江濱湖上風光已漏春
為報稽山民吏道
邑丞今是悟空人

用蓬萊法釀酒成以四壺寄越州程給事三首

功臣堂號與山堂已鬪醇醅又鬪香
今釀蓬萊法差勝
乘壺攜寄願公嘗

武林新醞效蓬萊莫把梨花較綠醅
安得逢春命高會
大家同入醉鄉來

一日湖頭兩信通
往來惟只遞詩筒
何時得把金罍倒
觀取詩翁作醉翁

清思堂偶成

垂老將休俗累輕
舊鄉來守越王城
吾懷自信無污染
何必升堂思始清

送二十三姪岷還衡赴舉

行美文精即擅場
不論京國與江鄉
鄉人若問吾歸計
已叩天闕第九章

送禪師廣教赴衡南禪

到日參徒耳目新
桃花一笑已中春
吾今告老還家近
亦作柯峯自在人

致仕後立春偶成

四紀榮塗愧濫巾
聖恩從請幸全身
高齋靜有無窮樂
又報元豐第四春

監神泉監五弟拊生日寄法醞為壽

歲首月三逢誕日
壽樽遙寄助童顏
黃庭內景非虛語

百二十年猶可還

送五弟得替赴闕

三載神泉績大成
文章使者薦能名
朝廷方且求人切
未可圖閒學老兄

辛酉歲旦偶成

一夕寅隅斗轉魁
三陽和氣入春臺
鑑中華髮渾霜雪
七十四從頭上來

送講師惟爽歸杭州

舊隱重尋遠世機呼童把帚掃禪扉疎簾捲盡南軒閣
引得湖光一片歸

詠竹為六弟抗司戶生日

萬竿終日弄清風溽暑消除爾有功老年時轉瀟灑

此君真是竹林翁

竹林翁乃
六弟道號

寄題袁教授思軒

補過盡忠隨進退潛心高與古賢期吾儒造次必於是
何用憑軒始再思

寄酬致政趙少師五首

夙荷公知獨久要政堂平日幸為僚
新篇屢拜金瓊賜
千里同風不為遙

明月驚人為暗投
珍函開發曉光浮
五章麗句真高唱
所得過於萬戶侯

雲濤朝暮湖山勝
曾伴仙翁爛漫遊
別後瞻思閒屈指
歲華如箭已三秋

短書臨發意徘徊
寒夜霜晴上月臺
灘水澈江天共遠

舉頭惟見鴈南來

天台鴈蕩去尋真往復秋冬過七旬
不是君恩山嶽重
肯教歸作自由身

送周古尉武康

少時來訪武夷峯

予時宰
崇安邑

學業優殊志氣雄
今我老歸

公始仕神仙宮
在水晶宮

送王九臯道人遊杭州

暫分仙袂下羅浮

羅浮與公
元是共師

又作錢塘佛國遊
欲識先

生蹤跡否江湖無礙一扁舟

己未歲除言懷示諸弟姪子孫二首

得請歸田弛負擔滿頭霜雪鬢鬢高齋屈指呵呵笑

明日新春七十三

三歲嘗叨貳國鈞兩經吳蜀擁車輪

成都吳越俱忝兩任

尋思政

府歸休日八百科中止一人

景祐初榜制云今歲殿廷登科者踰八百人

六弟司戶生日

我竹林翁所得奇心傳佛要面仙姿年年六月十二日

觀取高齋祝壽詩

己未歲十月七日登唐臺山偶成

直到巢峯最上頭
旋磨崖石看詩留
重來轉覺寒松老
三十六年前舊游

贈禪僧二首

雲意乘秋任往還
泉音終日自潺潺
師心正與雲泉契
不稱城居祇稱山

澱水曹溪一滴通
爛柯元是妙高峰
子湖有犬無人會

我欲憑詩寄老蹤

利蹤即子湖禪師也

題婺州郡圃雙溪亭

去年春晚宴亭臬今日重登不憚勞
欄外當時雙派水已應歸海作波濤

題八詠樓

隱侯詩價滿東吳八詠詩章意思殊
世說當年清瘦甚不知全為苦吟臞

過發示施耕縣丞

子詩贈我離杭日
勸使東來作主人
再得湖山老休去
而今始是自由身

登雲黃山

雲黃絕頂冠峯巒
七佛當時行道壇
天斂積陰千里霽
故令登賞得盤桓

題婺州永康縣延真觀松石

歲寒姿性稟於天
一變人疑換骨仙
操是寒松心是石
始終全類古真賢

登越州新昌石佛閣

南明石像世稱奇人說嘉州具體微大小何煩較吳蜀
法身無處不同歸

過天姥嶺示男岫

吾子沿江千里來我車不憚陟崔嵬永嘉貳政年方壯
未用斑衣學老萊

初入天台示男岫

景入天台日日新安車千里去尋真路逢白髮老翁問

父子同遊有幾人

題三井瀑布

三井餘波勢靡停平鋪千丈落崢嶸秋陽五彩隨流照

上有日光
五色凌亂縱有良工畫不成

雙闕山

峯巒如蜀劍關分萬仞千門不可親惟有諸仙功行滿
雲屏從此去朝真

瓊臺

台嶺周迴八百里瓊臺中立許誰登宵分疑有羣仙集
月白風清最上層

龍潭

黯黯龍潭不測深臨觀崖下已千尋若逢歲旱休閒臥
好與斯民去作霖

放螺溪

子輿輟肉為聞聲德洽民心苦好生智者教行尤可尚
放螺從此得溪名

與男汎遊天台石橋覽先祖詩因成

石橋吾祖昔留詩句有天寒樹著衣山下老僧能歎詠

諸孫三歲與光輝

先祖詩云水靜苔生髮天寒樹著衣

錫杖泉

叢林枯槁井難穿珍重禪師道力堅一旦出庵攜一錫
卓山隨手湧甘泉

過台州登巾子晚遊東湖

中頂廣軒逢杪秋萬家雲屋接丹丘主人欲盡行人樂

更向東吳共泛舟

泛舟離台港

賞遍丹丘上畫船旌旗金鼓滿晴川潮平難繹舟人望

一似離杭過越年

予去春休官由浙江過越仿佛類此

觀音巖

石龍一滴水涓涓大士巖溪峭壁間我道音聞無不是
何須曾入寶陀山

題靈峯寺

鴈蕩林泉天下奇謝公不到未逢時
碧霄萬壑千岩好今日來遊盡得之

登飛泉寺會峯亭

會峰亭對大屏風萬秀千奇聳若空
不識誰能奪造化真僊世界一壺中

出鴈蕩回望常雲峯

游遍名山未肯休征車已發尚回眸
高峯亦似多情思百里依然一探頭

觀海

巨海澄瀾波自平
停車冉冉看潮生
豈同八月吳江會
共駭潮頭萬鼓鳴

觀老僧會才畫像

白鶴叢林古梵宮
壁間留像見真風
憶師去歲雷峰別
只似南柯一夢中

經樂清寄前縣令周邵

舊治熙熙樂似春
退公章句更清新
官居佛舍留題徧

可惜詩人只字民

宿象浦驛記夢

曩歲阻風京口日今離象浦復徘徊
姓江名靜人何許
昨日依然入夢來

答毛章秀才

兩闕新詩出慎江親攜迎我重嗟降
深藏篋笥生光彩
價抵千金璧一雙

題僧正仲灝定閣

曉窓幽磬暮疎鐘
曉暮清音消息通
閣以定名成底事
醒醒須仗主人翁

姪壻鄭庭晦與子同遊鴈蕩今欲先歸贈別

君念親闈肯暫留
吾居子舍尚優游
逢人為道歸遲意
正似江湖不繫舟

留題戲綵堂示男胤

我憩堂中樂可知
優游逾月意忘歸
老來不及吾兒少
且著朱衣勝綵衣

謁水心院講僧繼忠

烟波周匝望中賒乘興驅車一逕斜誰識上人修證地
水晶宮裏法王家

客舟夜雨

朝發溫江上處溪小舟無寐枕頻欹夜來雨作遽際響
恰似當年赴舉時

括蒼照水閣飲散聞角

主禮慇懃醉玉杯暮雲山頂壓樓臺渾如元相誇州宅

敲角聲從地底回

縉雲玉虛宮

宮前車轍狀分明世說軒轅上玉清
仰慕勞心是秦漢
不修功行只虛名

步虛宮

妙峯高處即仙居多為朝真作步虛
却是清風明月夜
一聲傾聽屬樵漁

鼎湖峯

不見青蓮花落時
鼎湖惟有白雲歸
一峯孤立如天柱
若較靈巖具體微

仙水洞

路入雲端步步輕
洞中滑溜一泓清
不逢真侶仙蹤在
猶喜磨崖紀姓名

隱真洞

仙洞長年臥白雲
靈丹成就養天真
漢庭輕為東宮出
應笑商山四老人

忘歸洞

洞天日月最遲遲
來見仙真即忘歸
者取桃源劉阮去
舊鄉雖是故人非

自溫江宿僧淨僊秀野軒

千里尋山憶爛柯
七旬歸去此重過
因觀秀野軒前景
與我高齋不較多

男胤隨侍還鄉欲回溫贈行

七旬尋勝遠塵紛
身計優游荷國恩
往復汝勤人盡說

從來忠孝出吾門

越州講僧智月見訪

不憚風霜道阻修
一瓶一鉢少遲留
稽山未可輕歸去
浮石精藍況舊遊

○次程師孟正議題神照大師養志堂

報恩堂廡繕完新
養志熙熙鎮似春
佛子事餘為孝子
黃金園有白頭親

送衢守王照大夫

車騎衢民不可攀
機山雲約首春還
綵衣堂上成童戲
八十慈親為解顏

酬前人見別

退休林下屈朱輪
逸老亭邊祕欲分
一誦高齋回首句

感公於我獨慇懃

公詩有回首高齋拭淚痕之句

送余宗道主簿赴官

枳鷺新命去逢春
士論許為忠孝人
白首慈親七十八
安居榮侍入西秦

次韻吳天常中散

教言今覺昔諸塵不了心源未是真却念樵夫無所得
當年虛作爛柯人

送蔡門長官赴任丹徒

柳深鶯老暮春天恭侍慈親解畫船舉首丹徒民萬戶
共迎和氣作豐年

十八男岫太僕寺丞生日

寵數親承咫尺顏清修處命似居山欲知不老箇中事

應向如今悟八還

送海印長老赴峨眉都僧正二首

歸根落葉舞秋風入蜀分攜潑水東
欲別何煩示圓相
普賢今作主人翁

片雲無著又西還過盡秦山上蜀山
我獨為師懽喜處
一程程入舊鄉關

會稽智印大師可升復為僧正因寄

突兀浮圖烈燄焚入雲千尺一朝新

越塔遭火
今已復舊

聞師領

衆非辜罷今復如初慰越人

梁子正哀詞二首

一節循循見始終平常心有古人風
臨行却笑龐居士
何用當庭探日中

函中赤軸誰能捲壁上孤琴已絕絃
付與兒孫有清德
臨風何必更潸然

天台蛇洞

道猷宴坐卓一錫蕭然屏去羣魔迹
大蛇開口合不得

始知三昧通神力

內照庵

山老榜庵名內照掩扉默坐徒觀妙欲知畢竟事何如
無量壽光懸兩曜

宿溫嶺

昨朝初泛臨海舟今暮已登溫嶺驛秋風閣雨波不揚
風伯江神俱有力

因海印行感舊寄蜀中故人

我車出蜀十年強感舊情懷未盡忘有問老衰師為道
心如冰雪鬢如霜

和二蘇題白鶴觀二首

黃衣道士骨朽矣白鶴仙翁詩宛然君儻不能來一顧
壁間磨滅有誰傳

不逢碁酒與鶯花古觀高吟字字嘉好事獨來終日賞
諸翁爭去著詩誇

退居十詠

高齋

軒外長溪溪外山捲簾空曠水雲間高齋有問如何樂
清夜安眠白晝閒

水月閣

池閣孤清瞰碧流太虛懷抱物華秋圓蟾默有中宵約
幾點閒雲為我收

放魚

魚不能言似可哀竭池千數競徘徊澌江深處呼僅放

羨爾優游得所哉

雙松

少時親手植雙松
晝愛層陰夜聽風
今日歲寒踰五紀
也應心似主人翁

竹軒

暑威何處稱疎慵
百本修篁小檻東
時遣清風送消息
此君都在不言中

柳軒

動入和風靜惹烟翠條疎處露池蓮林中盡是能吟物
春有黃鸝夏有蟬

歸歟亭

密徑修筠郊外居小亭隨意榜歸歟等閒早暮攜筇到
池沼東頭是舊廬

濯纓亭

亭上秋登遠目明濯纓誠不是虛名晴波一片如鋪練
浮石江心徹底清

負郭田

累歲辭榮得帝俞
老來天幸更誰如
腰間已解黃金印
歸有田耕二頃餘

望南山

烏巨東西氣候秋
子湖岡隴暮雲浮
欲觀古佛叢林地
只用憑欄一舉頭

常山縣令姚存哀詞二首

瓜期終代促
裝前常遺吾書索贈言
今日却成哀挽句

霜風江上送靈幡

咸惠三年邑政優平生志業未經酬嗟嗟故里松楸老
先隴歸陪地下遊

寄靈隱圓明禪師

故人相別歲時多日欲為書奈懶何猶喜箇中無間斷
西軒雲岫碧嵯峨

桐木為魚寄名山主

森森喬木得諸隣霧鎖雲埋不記春報得看看鱗角就

為君驚起夢中人

景仁寄超化長老

千里無書信却通潑江南畔石橋東
春來消息誰傳去落盡林花一夜風

歲日示衆

今年年是去年年此處何曾有變遷
穿耳胡僧曾說破梅花落盡柳生烟

南明示衆

寂寂松門竟日間更無金鎖與玄關
時人欲識南明路
過得溪來便上山

惠遠上人壁

燒香運水及煎茶誰識廬山惠遠家
社客若來高著眼
不須平地覓蓮花

登真巖

殿閣凌空鎖翠嵐
雪晴春色在松杉
芝駢羽駕歸何處
留得雙鳥宿舊巖

欽定四庫全書



清獻集
卷五

七

九峯巖

龍丘石室人難繼
安正書堂世莫登
但見烟蘿最高處
九峯排列一層層

聯句

引流聯句

并序

江原縣江繚治解沁而東距三百步瀧湍馳激
朝暮鳴在耳使人聽愛弗欲倦遂重渠通民田
來圓亭堦廡間回環遠旋溝行洛渟起居觀遊

清快心目公事暇休與弟抗揚坐東軒欣然據
詞為詩章成書之石曰引流聯句皇祐二年冬

十一月己酉越人趙抃閱道云

別派從江垠邀流入農畎

抃

淙淙來源深灑灑度溝淺

抗

園穿蕭艾芟塹斷荆榛剪

揚

疏功浹辰長溉利千步

抃

遠田觀疑澤潄坎聽類鈺建

抗

北溟歸鑿池幽岳漾

裝巘

揚

瀉埤紋湍駛回灣波細轉

抃

過寶石眼窺經虛

土口吮

抗

浮行值落葉浸長逢生蘚

揚

孤鶴眼怪覘纖

魚鬣跳展

抗

中沈無穢淤底淨有紋礪

抗

映葦色莫分

喧琴韻難辨

揚

增霖人聞蛙酒月夜驚犬

抗

侵篴鞭起

萌逼水低垂菌

抗

憐黃澆菊籬惜紫沃蘭晚

揚

吏咨窰

甕甕童戲芒車卷

抗

灌攜令手勞漱掬致腰俛

抗

庭秋

臨加涼軒夏尚消烜

揚

我矜近濟能僮賀遙汲免

抗

貯

庀埋巨甌歸廚架修笕

抗

供陶飯益糧給澳羹鼎鬻

揚

調藥修臼餌煎茶試羅莽

抗

坐客頻泛觴蹲兒屢洗硯

聆寒心脫煩挹冷酒除酒

揚

壅挑筇步隨靜看髭吟

撰

并

高懷造文據清興團詩遣

抗

瑰章非俗成怪句自

幽選

揚

湧詞波翻瀛綿意緒抽蠶

并


書丹字隸行款碣

石磨琬

抗

題為引流篇記耳非自銜

揚



清獻集卷五